



Sermon  
Kxf. Dr. Numlaajtsheb Yaaj

**“Yauxej Tus Txivneej Ncajnnees”**

4<sup>th</sup> Sunday in Advent  
Our Savior Lutheran Church  
12-18-2022

Thov Txoj koobhmoov txoj kev hlub thiab txojkev haumxeeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

**Mathais 1:19**, “And her husband Joseph, being a just man and unwilling to put her to shame, resolved to divorce her quietly – *Thiab nws tus txiv Yauxej, yog tus txivneej ncajnnees thiab tsis xav ua kom nws poob ntsejmuag, yuav muab nws nrauj twbywm.*” ‘Nov yog Vajtswv Txojlus’ (Cross-reference – Mathais 2:1; 7:28, Malakaus 10:1)

**Illustration (Tied)**

**(Show map of Basutoland and red string)**



Muaj ibzaj keebkwm qhia txog tias muaj cov tibneeg nyob rau lub tebchaw Southern Africa lub zos Basutoland. Cov tibneeg muab hluas liab los khi rau lawv cov qaib tej tis. Lawv haistias, “Thaum koj khi hluas rau cov qaib li no, nws tivthaiv cov qaib ntawm cov dav. Yog koj tsis khi ces cov dav los muab cov qaib tomnoj. Thaum koj khi li no lawm, nws ua rau cov dav ntshai txoj hluas liab ntawd. Txawm koj siv hluas xiav, ntsuab losyog lwm xim, nws yeej pab tsis tau cov qaib li. <https://www.family-times.net/illustration/Righteousness/200190/>

(*Encyclopedia of Illustrations #932*). Nej ua tibzoo mloog kuv mam li muab lub ntsiab lus qhia txog thaum kawg haistias, tus dav thiab txoj hluas liab no piv txog dabtsi.

- I. Txojmoozoo hnuabno hais txog Maivliag tus nkaujxwb uas Vajtswv siv los yug peb tus Cawmseej Yexus Khetos. **(Show Pregnant Mary)**



Hnuabno peb yuav saib txog Yauxej uas yog Yexus “earthly father – ntiatjeb leejtxiv.” Txawm haistias Vajnttsujplig Dawbhuv los roog rau Maivliag thiab pub kom Maivliag xeeb menyuam los Yauxej twb tsis tau yuav Maivliag los ua nws tus pojnim thiab twb tsis tau pws uake. Yog vim li cas nws yog tus txineej ncajnnees txau siab hlo mus coj Maivliag los ua nws tus pojnim thiab ua ib leejtxiv tus Yexus?

Yauxej cajceg yog los ntawm Vajntxwv Daviv. **(Show Joseph the carpenter)**



Nws yog ibtus txivneej uas coj Yudais tej kevcai zoo thiab mobsiab ua haujlwm thiab zejzoz los kuj hwm nws vim nws yog ibtus txivneej ncajnnees. Yauxej tes haujlwm uas nws txawj khwv noj haus yog ua ibtus “carpenter – *siv ntoo kho vajtsev losyog ua roojtog.*” Yauxej thiab Maivliag nkawd twb sisqhaib raws li haiv tibneeg Yudais txoj kevcai. Tiamsis thaum nkawd twb tsis tau sis yuav Yauxej hnov haistias Maivliag xeeb menyuam lawm ces nws tsis xav kom Maivliag poob ntsejmuag, nws yuav ua twb ywm tso Maivliag tseg thiab tsis yuav Maivliag lawm. **(Show Angel speaking to Joseph)**



Tiamsis Vajtswv tso tus timtswv los hais rau Yauxej haistias, “Joseph, son of David, do not fear to take Mary as your wife, for that which is conceived in her is from the Holy Spirit. She will bear a son, and you shall call his name Jesus, for he will save his people from their sins – *Yauxej, Daviv tus tub, tsis txhob ntshai thiab cia li mus coj Maivliag los*


ua koj tus pojniam, vim qhov uas nws xeeb rau hauv nws lub plab yog los ntawm Vantsujplig Dawbhuv. Nws yuav yuav ibtus metub, thiab koj yuavtsum tis nws lub npe hu ua Yexus, vim nws yuav cawm nws haiv tibneeg tej kev txhaum.” (Mathais 1:20-21). **(Show not willing to accept the child)**



Peb Hmoob yog haistias nws tus hluas nkauj muaj menyuam lawm mas yuav muaj ntau yam tshwm ntawm tus txivneej tuaj. (1) Yog nws tug ces nws yuav raug yuam yuav tus ntxhais ntawd losyog nws yuav khiav kom dhau muab nyiaj mus kho tus ntxhais thiab tsis lees yuav tus ntxhais ntawd. (2) Yog tsis yog nws tus uas yog mam li paub tomqab ces nws yuav muab tus ntxhais ntawd nrauj losyog cia li tsis hlub tus ntxhais ntawd vim nws haistias tus ntawd tsis yog nws noob ces txawm ua lub neej ntev npaum li cas los nws tsis hlub tus niam nrog rau tus menyuam huv tibi thiab. (3) Yog nws tsis lees tus menyuam ces nws yuav ua nruj ua tsiv kom cia li mus muab tus menyuam

“abort - rho tawm.” Tiam tamsino, ntau tus pojniam kuj dag kom tau txiv yuav vim nws ntshaw tus txivneej ntawd. Cov txivneej los ntxias kom tau nrog tus pojniam pws tag xwb ces nws mus nrhiav nws lwmtus vim nws tsua xav siv pojniam li tej khoom noj xwb. Thaum noj tag lawm nws cia li muab cuam laim povtseg lawm.


## II. Yauxej, tus txivneej ncaincees, yog nws ncaincees li cas? **(Show Jewish law)**




Yog vim li cas Vaajtswv thiaj li xaiv Yauxej los ua Yexus ib leejtxiv nyob rau lub ntiajteb no? Nyob rau tiam ntawd, haiv tibneeg Yixalayees koj raws li lawv tej kev coj noj coj ua kom haum Vajtswv dejsiab. Tej yam uas Yauxej ua lub neej ncaincees yog nws coj xws li lawv tej kev ibtxwm ua: “Tsis noj tej zaubmov uas tsis huv, tsis nrog tej tibneeg phem koom uake, hawm Vajtswv rau hnubso thiab tsis ua haujlwm. Nws tsis nrog cov txivneej mus ua plees ua yig, tsis mus ua yam uas yuav puas nws lub koob lub npe.” Yog li ntawd, lub zej lub zos thiaj li paub haistias, Yauxej yog ibtus txivneej uas ncaincees vim los ntawm nws txojkev ua ibtus tub zoo, ua ibtus txivneej zoo, paub

tej kevcai koj noj coj ua zoo, koj raws li Vajtswv tej kevcai uas Vajtswv sawmhwm tseg rau Mauxes kom Mauxes muab rau Vajtswv haiv tibneeg ibtiam dhau ibtiam thiab txhua leej txhua tus paub haistias Yauxej yog leejtwg.

Thaum Yauxej hnov dheev haistias, Maivliag xeeb menyuam lawm, Yauxej nyuaj siab heev. Tsua muaj ob txojkev uas yuav tso Maivliag tseg. (1) Hu lub zejzot tuaj nrauj thiab ua kom Maivliag poob ntsejmuag mus nrog txojkev tuag. (2) Yauxej xav muab Maivliag tso twbywm (ua daim ntawv nrauj) uas yog lolus siv haistias, “divorce quietly – nrauj ntsiagto” kom Maivliag thiaj li tsis poob ntsej muag. Vim li cas Yauxej thiaj li xav li no. **(Show Deuteronomy A Bok of Law)**



Nyob rau Kevcai 22:13-29 qhia txog txoj kevcai hnyav heev rau haiv tibneeg Yixalayees. Cia kuv muab hais yoojyim li no rau nej. Yog thaum tus txivneej yuav tau tus ntxhais thiab nws pom tau haistias tus ntxhais tsis yog nkaujxwb lawm, nws coj tus ntxhais rov tuaj hais rau niamtais, yawmtxiv thiab cov thawjcoj ntawm lub zej lub zos. Yog muaj povthawj tseeb haistias tus ntxhais tsis yog nkaujxwb lawm tiag, ces tus ntxhais ntawd yuavtsum raug muab pobzeb ntau kom tus ntxhais tuag. **(Show Deuteronomy 22:13-21)**



Vajtswv txojlus thiaj li sau ntawm Kevcai haistias, “But if the thing is true, that evidence of virginity was not found in the young woman, then they shall bring out the young woman to the door of her father's house, and the men of her city shall stone her to death with stones, because she has done an outrageous thing in Israel by whoring in her father's house. So you shall purge the evil from your midst – Yog haistias muaj tseeb tiag, ntawm tej povthawj uas tus ntxhais tsis yog nkaujxwb lawm, ces lawv yuavtsum coj tus pojniam hluas no tuaj rau ntawm leejtxiv lub qhovrooj, thiab cov txivneej hauv nws lub nroog

muab pobzeb ntau kom nws tuag, vim nws tau ua yam uas phem heev rau haiv tibneeg Yixalayees uas yog los ntawm txojkev ua niam ntiav hauv nws txiv lub vajtsev. Yog li ntawd nej yuavtsum muab txojkev phem tshemtawm ntawm nej mus.” (Vs 22-21). Yauxej tsis xav kom Maivliag raug tej kev puamtsuaj li no nws thiaj li nyuaj siab heev rau nkawd txojkev sisqhaib. (Show positive prenan kit)



Cov kwvtij, nej cov uas yog txivneej, yog haistias thaum nej tus hluasnkauj los hais rau nej haistias, “I’m pregnant, but the child is not yours – Kuv muaj menyuam lawm, tiamsis tus menyuam no tsis yog koj tug.” Koj yuav xav li cas? Nej saib Yauxej txojkev uas thaum Maivliag los hais rau Yauxej tias, “Kuv xeeb menyuam lawm, tiamsis kuv tsis tau nrog ibtus txivneej pw uake li.” Yauxej yuav

xav li cas? Tsheej puas yam yuav tshwm rau ntawm Yauxej haistias, “Maivliag dag kuv lawm lauj, yog nws tsis tau nrog lwmtus txivneej pw uake, ua li cas nws thiaj li xeeb tau menyuam. Yeej tsis muaj ibtus pojniam twg uas tseem yog nkaujxwb yuav xeeb tau menyuam yog nws tsis tau nrog txivneej pw uake? Kuv hlub Maivliag kawg nkaus, kuv yuav ua li cas? Kuv yuav ua li cas thiaj li yuav zoo kom kuv tsis txhob raug txojkev txajmuag?”

(Show Matthew 1:20)

III. Tiamsis Vajtswv muaj dua lwm lub homphiaj yuav siv Yauxej los mus ua ib leejtxiv rau Yexus.



Yog li ntawd, Vajtswv thiaj li txib tus timtswv los hais rau Yauxej haistias, “Joseph, son of David, do not fear to take Mary as your wife, for that which is conceived in her is from the Holy Spirit – Yauxej, Daviv tus tub, tsis txhob ntshai thiab cia li mus coj Maivliag los ua koj tus pojniam, vim qhov uas nws xeeb rau hauv nws lub plab yog los ntawm Vantsujplig Dawbhuv.” (Mathais 1:20). Yauxej yeej yog tus txivneej ncajncees thiab mloog Vajtswv lus nws thiaj li mus yuav Maivliag los ua nws tus pojniam. Nws yog tus txivneej ncajncees hlub Maivliag thiab tu Yexus kom Yexus loj hlob zoo rau ntawm tibneeg thiab rau ntawm Vajtswv. Txawm haistias Yexus tsis yog Yauxej tus menyuam los nws txaussiab hlo los mus ua ib leejtxiv zoo rau Yexus.


Hnov yog loslus Asmesliskas hu haistias “adopted father – leejtxiv txais yuav lwmtus los ua nws tug.”

(Show example of a bad or good person)



Thaum peb kawm txog Yauxej yog tus txivneej ncajncees, koj puas ncajncees rau txojkev mloog Vajtswv lus. Lub zej lub zos puas haistias koj yog ibtus txivneej ncajncees losyog haistias koj yog tus txivneej uas nyiam hais lus dag, hais ibyam ua ibyam, losyog tus uas raug luas thaum los ntawm txojkev haistias koj yog tus txivneej quavdej quav cawm, tus mus ua plees ua yig, tus mus dag noj dag haus, mus ntxias mus hem tus ub tus no kom lwmtus muaj kev txhawj kev ntshai? Koj puas yog tus txivneej zoo uas yog tau lub koob lub npe zoo? Koj puas xav kom lub zej lub zos qhuas txog koj vim koj yog tus txivneej uas ncajncees muaj siab dawb siab zoo, siab mosmuag, thiab kwvtij zejzoz leejtwg hu

txog los koj mus pab vim los ntawm koj txojkev hlub rau lwmtus? (Show Immanuel God with us)



Thaum tus timtswv los hais rau Yauxej tias, “She will bear a son, and you shall call his name Jesus, for he will save his people from their sins.” All this took place to fulfill what the Lord had spoken by the prophet: “Behold, the virgin shall conceive and bear a son, and they shall call his name Immanuel (which means, God with us) – Nws yuav xeeb ibtus metub, thiab koj yuavtsum tis nws lub npe hu ua Yexus, vim nws yuav cawm nws haiv tibneeg tej kev txhaum. Txhuayam no muaj raws li tus Tswv tau hais los ntawm cov xibhwb: “Cia li saib, tus nkaujxwb yuav xeeb thiab muaj ibtus tub, thiab lawv yuav hu nws lub npe hu ua Emanu-ees. (txhais haistias, Vajtswv nrog peb)” (Mathais 1:21-23).




Yauxej totaub haistias, menyuam yog koobhmoov ntawm Vajtswv (Nkauj Qhuas Vajtswv 127:3) nws thiaj li txaussiab thiab zoo siab hlo mus koj Maivliag los ua nws tus pojniam. Thaum txog caij Maivliag thiaj li yug tus metub. Yauxej nkawd thiaj li muab tus metub no lub npe tis hu ua Yexus raws nraim li tus timtswv tau hais tseg. Yauxej yog tus txivneej ncaincees vim nws mloog Vajtswv lus. Nws dhau los ua ntiajteb ib leejtxiv rau Yexus thiab ntiajteb ib leejtxiv rau Vajtswv. **(Show Stepparents)**



Yog peb saib Yauxej lub neej, nws yeej tsis muaj nyiaj txiag npluanuj, nws ua lub neej mloog Vajtswv lus. Vajtswv xaiv Yauxej los tu Vajtswv tus Tub vim yog los ntawm Vajtswv lub homphiaj ua kom Vajtswv tau koobhmeej raws li Vajtswv tej lus hais tseg lawm. Zaj kev kawm no txhais tau li cas rau koj? (1) Ceevfaj tsis txhob lam tau ua tus tibneeg tsis ncaincees. (2) Mloog Vajtswv lus yog nws txib koj ua dabtsi koj yuavtsum ua raws li Vajtswv lub hwjchim pab. (3) Kawm ntawm Yauxej txojkev paub ua ib leejtxiv zoo rau cov menyuam txawm haistias tsis yog koj tug. Nyob rau tiam no coob leej ntau yuav muaj niam tshiab txiv tshiab los mus hlub lwmtus menyuam. Yog koj yog ib leejtxiv losyog ib leejniam li no koj tau koobhmoov vim koj muaj lub siab hlub movtshua rau tej menyuam txawm haistias tsis yog koj yug. **(Show the birth of Jesus)**



Cia Yauxej tus txivneej ncaincees txojkev ua ibtus “adopted father – *leejtxiv txais yuav lwmtus los ua nws tug*” zoo kom Vajtswv thiaj li yuav hais tau rau koj haistias, “...being a just man or women... - *tus txivneej ncaincees losyog tus pojniam ncaincees...*” Twb yuav txog caij “Christmas – *Hnub yug Yexus.*” Tej keebkwm uas qhia txog Yexus txojkev los yug ua tibneeg los cawm koj thiab kuv kom peb sawvdaws muaj feem rov mus tau txojhia saum ntuj ceebtsheej zoo li cas? Cia li kawg nkaus zoo siab hlo vim Vajtswv siv tej tus txivneej ncaincees li Yauxej los ua ib leejtxiv rau Yexus. Peb yuav ua tsis tau tus tibneeg ncaincees vim yog los ntawm ntiajteb txojkev txhaum. Tiamsis Yexus los tuag theej ntiajteb txojkev txhaum lawm. **(Show the blood and the cross)**



Zaj lus pivtxwv uas kuv pib hais txog cov qaib uas khi xov liab rau lawv tej tis yog txhais li no. Vim yog xim liab, cov dav thiaj li tsis los tom. Cov dav yog zoo li dabntxwngnyoog uas yuav los ua kom peb tsis muaj kev ncaincees thiab kev dawbhuv, tiamsis xim liab zoo li Yexus cov ntshav twb los ntxuav tagrho peb tej kev tsis ncaincees theej peb txojkev txhaum saum tus ntoo khaublig lawm thiab muab peb tig rov rau ntawm Vajtswv lawm. Tus uas ntseeg thiab cia siab rau Yexus tus ntawd raug twb koom nrog Yexus lawm. Vim “We are clothed in His *righteousness* and not our own – *Peb hnav tsoog tso hauv Nws kev ncaincees tsis yog los ntawm peb*” (*Encyclopedia of Illustrations #932*). Yog li ntawd, koj yuavtsum ua lub neej ncaincees uas yog cia siab rau Yexus Khetos, thaum

kawg Vajtswv thiaj li suav haistias koj yog tus tibneeg ncaincees thiab koj thiaj li tau txojhia mus ibtxhis thiab ibtxhis. Asmees.

Thov kom Vajtswv txojlus pub rau koj totaub thiab tau txojkev haumxeeb rau ntawm Tswv Yexus Khetos. Peb txhuatus uas yog Vajtswv cov menyuam peb sawvdaws hais: Asmees.